



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo

**GRADSKO VIJEĆE**

Broj:  
Sarajevo, \_\_. \_\_. 2024. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na \_\_. sjednici održanoj \_\_. \_\_. 2024. godine, primilo je k znanju

Informaciju o realizaciji društveno – korisnih projekata i aktivnosti JP „Olimpijski bazen Otoka” d.o.o. Sarajevo, s prijedlogom mjera i aktivnosti u realizaciji projekata.

**PREDSJEDAVALJUĆI GRADSKOG VIJEĆA**

**Jasmin Ademović**

---


**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba





# 2024

## **INFORMACIJA O REALIZACIJI DRUŠTVENO - KORISNIH PROJEKATA I AKTIVNOSTI JP „OLIMPIJSKI BAZEN OTOKA“ d.o.o. Sarajevo, S PRIJEDLOGOM MJERA I AKTIVNOSTI U REALIZACIJI PROJEKATA**



JP „OLIMPIJSKI BAZEN OTOKA“ d.o.o.  
Sarajevo

Sarajevo, januar 2024. godine

## SADRŽAJ:

1. UVOD.....	3
2. MISIJA I CILJEVI .....	4
3. SISTEMSKA ŠKOLA PLIVANJA .....	4
3.1. Istorijat organizacije Škole plivanja .....	5
3.2. Problematika PDV-a.....	10
3.3. Novi bazeni .....	15
3.4. Uvažavanje činjenice izgradnje novih bazena.....	15
3.5. Problemi u realizaciji Škole plivanja .....	16
4. PROJEKAT REHABILITACIJE ZA PRIPADNIKE BORAČKE POPULACIJE .....	16
5. PROJEKTI ZA DJECU S POTEŠKOĆAMA .....	16
6. PROJEKAT „AKTIVNO I ZDRAVO STARENJE – PLIVANJE ZA OSOBE TREĆE ŽIVOTNE DOBI“ .....	17
7. NAČIN FINANSIRANJA.....	17
8. PRIJEDLOG MJERA ZA SISTEMSKU REALIZACIJU ŠKOLE PLIVANJA .....	18
9. FINANSIJSKI POLOŽAJ .....	18
10. ZAKLJUČCI I PRIJEDLOZI .....	19



Broj: 01-1-33-2/24  
Sarajevo, 08. 01. 2024. godine

## **INFORMACIJA O REALIZACIJI DRUŠTVENO - KORISNIH PROJEKATA I AKTIVNOSTI JP „OLIMPIJSKI BAZEN OTOKA“ d.o.o. Sarajevo, S PRIJEDLOGOM MJERA I AKTIVNOSTI U REALIZACIJI PROJEKATA**

### **1. UVOD**

Olimpijski bazen je namijenjen za takmičarski i trenažni proces klubova vodenih sportova. Dimenzije plivališta su 50X25 metara. Postojanje olimpijskog bazena je imperativ kojim se legitimira svaka država koja mora imati objekte za održavanje međunarodnih sportskih takmičenja: stadione, dvorane, bazene...

Sarajevski Olimpijski bazen je reprezentativan objekat koji svojom arhitekturom i gabaritima spada u sam vrh evropskih i svjetskih olimpijskih bazena. Otvoren je 2008. godine i u to vrijeme bio je prvi i jedini objekat ovog tipa u BiH.

Nakon našeg bazena u BiH otvoreni su olimpijski bazeni u Banja Luci i u Trebinju.

U doglednoj budućnosti izvjesna je izgradnja olimpijskih bazena u Mostaru, Zenici, Jahorini...

Ideje o izgradnji bazena brojne su u velikom broju općina: Starom Gradu, Bihaću, Tuzli, Cazinu...

Samo održavanje i eksploatacija olimpijskih bazena veoma je zahtjevna i skupa. Svjetski normativ, neovisno o društvenom uređenju neke zemlje, njenom standardu, klimatskoj pozicioniranosti i načinu upotrebe, je da su ovi objekti samostalno finansijski NEODRŽIVI i da sami (bez pomoći osnivača i(li) društvene zajednice) mogu obezbijediti maksimalno do 40% potrebnih sredstava za njihovo funkcionisanje.

Bazen Otoka i mimo ovih standarda ima otežavajuće okolnosti za sticanje prihoda: olimpijski bazeni se prave što niži kako bi se uštedilo na zagrijavanju, naš je u centralnoj tački visok 24 metra; veći dio bazena građen je od stakla i lima što su loši izolacijski materijali u situaciji kada je unutarja temperatura konstantno 30-32 stepena a vanjska u Sarajevu često dostiže i do -20 stepeni C, što je vrlo dopadljiva arhitektonska i vizuelna varijanta objekta, ali preskupa zbog velikih režijskih troškova i sl.

Elaborat Ekonomskog instituta iz 2006. godine (prije izgradnje Bazena) potvrđuje ovu činjenicu i skreće pažnju na obavezu Osnivača u obezbjeđenju sredstava za normalno funkcionisanje. Olimpijski bazen Otoka d.o.o. Sarajevo ipak ostvaruje prihode occ 40% iz sopstvenih izvora što je gotovo svjetski standard.

Također, u mjesecu februaru 2022. godine Ekonomski institut iz Sarajeva sačinio je Elaborat o upravljanju i finansiranju još uvijek neotvorenog bazena FASTO koji se nalazi u sastavu Fakulteta sporta, koristeći i komparirajući podatke, uglavnom, s Olimpijskim bazenom Otoka, ustvrdio da je za njegovo funkcionisanje potrebno preko 900.000 KM godišnje i da je omjer Bazena FASTO i Olimpijskog bazena Otoka u pogledu finansiranja 1:2,7.

Udio našeg Osnivača – Grada Sarajeva u našem finansiranju je od ove godine 1,75 mil KM, a po gornjoj proporciji trebao bi biti najmanje 2,43 miliona KM.

Uz to, bitno je napomenuti i dvije činjenice:

- a. Pomenuti Elaborat sačinjen je prije rata u Ukrajini i rasta cijena energenata koji znatno poskupljuju funkcionisanje ovih objekata;
- b. Bazen FASTO je u sastavu Fakulteta sporta tako da znatno smanjuje rashode zbog racionalnijeg načina organizacije, manje administracije koje se „preklapaju“ u kadrovskim resursima Fakulteta i Bazena itd.

Do 2022. godine, osnovni funkcionalni, programski i finansijski parametri Bazena bili su gotovo ustaljeni: prihodi/rashodi occ 2.500.000 KM, relativno nova oprema nije iziskivala dodatna ulaganja a programske aktivnosti razvijene uvažavajući specifikum Sarajeva kao grada.

Samo 16 godina nakon otvaranja Olimpijskog bazena Otoka naši takmičari plivači učestvuju na evropskim, svjetskim i olimpijskim takmičenjima. I osvajaju medalje. Nije samo u pitanju individualni presedan Lane Pudar, nego su to takmičari u svim selekcijama.

## 2. MISIJA I CILJEVI

Očekivanja zajednice u odnosu na edukaciju neplivača i razvoj vodenih sportova su zahtjevna. Društvena zajednica i Osnivač od Preduzeća ne traže isključivo i samo prostor za plivanje i rekreaciju, već i formulisanje i realizaciju niza projekata i programskih aktivnosti koji će obezbijediti kontinuiranu edukaciju neplivača i podršku razvoju vodenih sportova u Kantonu Sarajevo.

Naša misija je: "Lider za edukaciju neplivača i plivačku rekreaciju građana, te podrška razvoju vodenih sportova, a u svrhu unaprjeđenja kulture življenja."

Naša vizija je: "Funkcionalan sportsko - rekreacijski i edukativan centar vodenih sportova."

### Strateški ciljevi

- Obučiti u plivanju što veći broj djece i omladine u Kantonu Sarajevo;
- Obezbijediti uslove za razvoj vodenih sportova u Kantonu Sarajevo;
- Kontinuirano raditi na promjenama životnih navika u kulturi plivačke rekreacije građana Kantona Sarajevo;
- Jačati društvenu odgovornost javnog preduzeća u cilju zaštite javnog interesa građana, preventivnog djelovanja u sprječavanju malodobne delikvencije, zdravog razvoja mlade populacije, preventivnog djelovanja na negativne društvene pojave...;

Naši najznačajniji programski projekti su:

## 3. SISTEMSKA ŠKOLA PLIVANJA

Sistemska škola plivanja podrazumijeva projekat koji smo pokrenuli prije 10-tak godina i koji već daje izvanredne rezultate. Naime, u razvijenim zemljama „obveznost“ plivanja ugrađena je u školski sistem i realizira se, u pravilu, u školskim i namjenskim bazenima i objektima za tu namjenu.

Olimpijski bazeni se u načelu ne bave ovom aktivnošću.

Cijeneći specifičnosti u Kantonu Sarajevo: da smo prvi i jedini objekat (za sada i ne zadugo) krenuli smo, kao što smo naveli, prije desetak godina s ovim projektom. Ušli smo u „teren“ nerješene finansiranja, nepostojanja zakonskih i podzakonskih akata, odsustva sluha, nedostatka sredstava itd.

Uprkos svemu do sada postignuti rezultati su odlični. Za 16 godina rada Bazena plivačka klupska infrastruktura se razvila u mjeri da BiH ne samo da učestvuje na najvažnijim međunarodnim smotrama, nego osvajamo medalje, postizemo svjetske rezultate...

Naše uporno zalaganje za unapređenje Škole plivanja trenutno znači da barem 80% učenika iznad četvrtog razreda osnovnih škola zna plivati (ne postoje „egzaktni“ pokazatelji niti su vođene ankete po ovom pitanju, nego su rezultat naše vlastite procjene kroz evidencije koje radimo već desetak godina).

Ovo je procenat koji je ravan procentima u visokorazvijenim zemljama i kudikamo veći od procenta u nekim zemljama okruženja koje imaju more, bazene i dužu tradiciju.

Sistemska Škola plivanja:

SVI učenici četvrtih razreda osnovnih škola Sarajevskog Kantona u obavezi su da prođu obuku plivanja.

Projekat radimo u saradnji sa Ministarstvom obrazovanja, Gradom i općinama.

Do danas sistemski način finansiranja projekta nije riješen, nego svake godine idemo od vrata do vrata, od općine do općine, potpisujemo sporazume i protokole svake godine kako bi se projekat nastavio i održao.

Dobre volje i razumijevanja svih aktera nikada nije nedostajalo.

Sredstava i sistemske organizacije – jeste.

Rukovodeći se činjenicom da je Sarajevo grad neplivača odmah po otvaranju Bazena pokrenuli smo aktivnosti na realizaciji Škole plivanja. Nisu postojale nikakve zakonske i podzakonske pretpostavke. Nikada u Sarajevu nije urađena bilo kakva anketa o procentu neplivača u Sarajevu...

Radi uporedbe želimo istaći nekoliko podataka iz susjedne Hrvatske kako i na koji način ona rješava edukaciju neplivača. Nedavno su predstavnici Plivačkog saveza RH bili kod premijera Plenkovića gdje su iznijeli podatak da između 40 i 70% učenika osnovnih škola ne zna plivati, ovisno od toga da li je županija primorska ili kontinentalna?!

### **3.1. Istorijat organizacije Škole plivanja**

Za samo 16 godina rada prvog, našeg – Olimpijskog bazena Otoka mladi takmičari iz BiH učestvuju na mediteranskim, evropskim, svjetskim i olimpijskim takmičenjima. I nije u pitanju samo Lana Pudar. Radi se o kontinuitetu, ozbiljnosti, zaslugama pojedinaca/entuzijasta koji su to ostvarili. Uposlenici bazena su dio te uspješne priče i rezultata.

Krajem septembra prošle godine na Bazenu je održan XIII međunarodni vaterpolo turnir. Naša djeca osvojila su drugo mjesto u konkurenciji najvećih vaterpolo klubova, a u okruženju su klubovi koji zauzimaju sam vrh evropskog i svjetskog vaterpola.

Po našim podacima i procjenama najmanje 80% učenika osnovnih škola u Kantonu Sarajevo iznad IV razreda OŠ zna plivati.

Ovaj podatak je vrijedan svake izdvojene marke za funkcionisanje Bazena i njegove mnogobrojne aktivnosti, kao i nove projekte koje pokrećemo.

Odmah nakon početka rada Bazena 2008. godine otpočeli smo s kampanjom strpljivog i upornog ubjeđivanja javnosti, roditelja, općina, Grada i Kantona o kulturološkim, zdravstvenim, sportskim i mnogim

drugim aspektima potrebe plivanja i edukacije djece u školskom sistemu. Verbalne podrške značile su poticaj. Finansijske su uslijedile postupno i vremenski se iznos izdvajanja na općinskim razinama povećavao za „ovu priču“. Vremenom, Škola plivanja poprima obrise sistemskog i sveobuhvatnog projekta.

Ministarstvo za odgoj i obrazovanje se priključuje i preuzima ulogu lidera i koordinatora projekta 2012. godine. To organizaciju Škole plivanja, nepobitno, podiže na veću razinu.

Uplaćena sredstva za ŠKOLU PLIVANJA, 01.01.2012. – 31. 12. 2023. godine

		2012	2013	2014	2015	2016	2017	2018	2019	2020	2021	2022	2023	Ukupno
Sufinansiranje - OPĆINE	OPĆINA STARI GRAD	0,00	0,00	10.000,00	10.000,00	15.000,00	15.000,00	15.000,00	15.000,00	0,00	0,00	0,00	10.000,00	90.000,00
	OPĆINA NOVO SARAJEVO	0,00	0,00	20.000,00	30.000,00	30.000,00	30.000,00	30.000,00	40.000,00	0,00	20.000,00	45.000,00	45.000,00	290.000,00
	OPĆINA NOVI GRAD	0,00	0,00	0,00	50.000,00	44.450,00	18.185,00	74.000,00	70.000,00	105.000,00	50.000,00	35.000,00	35.000,00	478.035,00
	OPĆINA ILIDŽA	0,00	0,00	0,00	20.000,00	20.000,00	20.000,00	0,00	0,00	0,00	0,00	22.000,00	20.000,00	102.000,00
	OPĆINA VOGOŠĆA	0,00	0,00	0,00	0,00	8.000,00	0,00	8.000,00	8.000,00	0,00	0,00	0,00	0,00	24.000,00
	OPĆINA CENTAR	0,00	0,00	0,00	0,00	0,00	0,00	28.500,00	30.000,00	0,00	30.000,00	30.000,00	30.000,00	148.500,00
	OPĆINA ILUAŠ	0,00	0,00	0,00	0,00	0,00	0,00	0,00	0,00	0,00	3.330,00	3.804,00		7.134,00
	OPĆINA HADŽIĆI	0,00	0,00	0,00	0,00	2.840,00	0,00	5.280,00	0,00	0,00	7.665,00	6.165,00	19.770,00	
Sufinansiranje Kanton Sarajevo	Ministarstvo za obrazovanje, nauku i mlade KS	50.000,00	15.000,00	50.000,00	50.000,00	50.000,00	50.000,00	50.000,00	55.000,00	70.000,00	140.000,00	70.000,00	123.000,00	773.000,00
Sufinansiranje Grad Sarajevo	GRAD SARAJEVO	0,00	0,00	50.000,00	0,00	50.000,00	0,00	0,00	0,00	0,00	0,00	0,00		100.000,00
UKUPNO:		50.000,00	15.000,00	130.000,00	160.000,00	220.090,00	131.185,00	210.780,00	218.000,00	175.000,00	250.995,00	211.969,00	282.770,00	2.055.789,00

Dodatak podacima iz gore prikazane tabele

Godina	Institucija	Iznos	Napomena (iz ugovora)
2012	MINISTARSTVO ZA OBRAZOVANJE, NAUKU I MLADE KANTONA SARAJEVO	50.000,00	
2013	MINISTARSTVO ZA OBRAZOVANJE, NAUKU I MLADE KANTONA SARAJEVO	15.000,00	264 učenika četvrtih i 229 učenika petih razreda sa područja općine Hadžići;
2014	OPĆINA STARI GRAD, SARAJEVO	10.000,00	Školska 2013/2014.g.;
	OPĆINA NOVO SARAJEVO	20.000,00	Uzrast učenika od II do IX razreda osnovnih škola;
	MINISTARSTVO ZA OBRAZOVANJE, NAUKU I MLADE KANTONA SARAJEVO	50.000,00	Učenici četvrtih razreda osnovnih škola KS; Školska 2014/2015;
	GRAD SARAJEVO	50.000,00	
2015	OPĆINA STARI GRAD, SARAJEVO	10.000,00	Učenici četvrtih razreda osnovnih škola; Školska 2014/2015.g.;
	OPĆINA NOVO SARAJEVO	30.000,00	Uzrast učenika od II do IX razreda osnovnih škola sa

	SARAJEVO		područja općine Novo Sarajevo;
	OPĆINA NOVI GRAD	50.000,00	Učenici petih razreda osnovnih škola; Školska 2014/2015.g.;
	OPĆINA ILIDŽA	20.000,00	
	MINISTARSTVO ZA OBRAZOVANJE, NAUKU I MLADE KANTONA SARAJEVO	50.000,00	Učenici četvrtih razreda osnovnih škola KS u 2015. budžetskoj godini; 1100 učenika;
2016	OPĆINA STARI GRAD, SARAJEVO	15.000,00	
	OPĆINA NOVO SARAJEVO	30.000,00	
	OPĆINA NOVI GRAD	44.450,00	Učenici četvrtih i petih razreda osnovnih škola sa područja Općine Novi Grad; Školska 2015/2016.g.; Iznos suf. u sporazuma 64.450,00 KM;
	OPĆINA ILIDŽA	20.000,00	
	OPĆINA VOGOŠĆA	8.000,00	Učenici četvrtih razreda osnovnih škola sa područja Općine Vogošća; Školska 2016/2017.g.;
	OPĆINA HADŽIĆI	2.640,00	Učenici četvrtih razreda osnovnih škola sa područja Općine Hadžići; Školska 2016/2017.g.; Iznos sporazuma 11.640,00 KM;
	MINISTARSTVO ZA OBRAZOVANJE, NAUKU I MLADE KANTONA SARAJEVO	50.000,00	Učenici četvrtih razreda osnovnih škola KS u 2015. budžetskoj godini; 1000 učenika;
	GRAD SARAJEVO	50.000,00	Učenici osnovnih škola;
2017	OPĆINA STARI GRAD	15.000,00	Učenici četvrtih razreda osnovnih škola sa područja Općine Stari Grad; Školska 2016/2017.g.;
	OPĆINA NOVO SARAJEVO	30.000,00	Uzrast učenika od II do IX razreda osnovnih škola;
	OPĆINA NOVI GRAD	16.185,00	Učenici četvrtih razreda osnovnih škola sa područja Općine Stari Grad; Školska 2017/2018.g.; Iznos sporazuma 65.000,00 KM;
	OPĆINA ILIDŽA	20.000,00	Učenici četvrtih razreda osnovnih škola sa područja Općine Novi Grad; Školska 2017/2018.g.;



	MINISTARSTVO ZA OBRAZOVANJE, NAUKU I MLADE KANTONA SARAJEVO	50.000,00	
2018	OPĆINA STARI GRAD	15.000,00	Učenici četvrtih razreda osnovnih škola sa područja Općine Stari Grad; Školska 2017/2018.g.;
	OPĆINA NOVO SARAJEVO	30.000,00	Uzrast učenika od II do IX razreda osnovnih škola sa područja Općine Novo Sarajevo; 2018.g.;
	OPĆINA NOVI GRAD	74.000,00	Učenici četvrtih i petih razreda osnovnih škola sa područja Općine Novi Grad Sarajevo; Školska 2018/2019.g.; Iznos suf. u sporazuma 70.000,00 KM;
	OPĆINA VOGOŠĆA	8.000,00	Učenici četvrtih razreda osnovnih škola sa područja Općine Vogošća; Školska 2017/2018.g.;
	OPŽINA HADŽIĆI	5.280,00	Učenici četvrtih razreda osnovnih škola sa područja Općine Hadžići; Školska 2017/2018.g.;
	OPĆINA CENTAR	28.500,00	Učenici četvrtih razreda osnovnih škola sa područja Općine Centar; Školska 2018/2019.g.;
	MINISTARSTVO ZA OBRAZOVANJE, NAUKU I MLADE KANTONA SARAJEVO	50.000,00	Učenici četvrtih razreda osnovnih škola sa područja KS; Školska 2018/2019.g.; Iznos sporazuma 105.000,00 KM;
2019	OPĆINA STARI GRAD	15.000,00	Učenici četvrtih razreda osnovnih škola sa područja Općine Stari Grad; Školska 2018/2019.g.;
	OPĆINA NOVO SARAJEVO	40.000,00	Uzrast učenika od II do IX razreda osnovnih škola sa područja Općine Novo Sarajevo; 2019.g.;
	OPĆINA NOVI GRAD	70.000,00	
	OPĆINA VOGOŠĆA	8.000,00	Učenici četvrtih razreda osnovnih škola sa područja Općine Vogošća; Školska 2018/2019.g.;
	OPĆINA CENTAR	30.000,00	Učenici osnovnih škola sa područja Općine Centar; Školska 2019/2020.g.;
	MINISTARSTVO ZA OBRAZOVANJE, NAUKU I MLADE KANTONA SARAJEVO	55.000,00	Učenici četvrtih razreda osnovnih škola sa područja KS; Školska 2019/2020.g.; Iznos sporazuma 75.000,00 KM;

2020	OPĆINA NOVI GRAD	105.000,00	Učenici četvrtih i petih razreda osnovnih škola sa područja Općine Novi Grad Sarajevo; Školska 2020/2021.g.; Iznos sporazuma 70.000,00 KM;
	MINISTARSTVO ZA OBRAZOVANJE, NAUKU I MLADE KANTONA SARAJEVO	70.000,00	Učenici četvrtih razreda osnovnih škola sa područja Općine Vogošća; Školska 2020/2021.g.;
2021	OPĆINA NOVO SARAJEVO	20.000,00	Učenici četvrtih razreda osnovnih škola sa područja Općine Novo Sarajevo; 2021.g.;
	OPĆINA NOVI GRAD	50.000,00	Učenici četvrtih i petih razreda osnovnih škola sa područja Općine Novi Grad Sarajevo; Školska 2021/2022.g.;
	OPĆINA CENTAR	30.000,00	Učenici četvrtih razreda osnovnih škola sa područja Općine Centar; Školska 2021/2022.g.;
	OPĆINA ILIJAŠ	3.330,00	Učenici četvrtih razreda osnovnih škola sa područja Općine Ilijaš; Školska 2021/2022.g.; 74 učenika;
	OPĆINA HADŽIĆI	7.665,00	Učenici četvrtih razreda osnovnih škola sa područja Općine Hadžići; Školska 2020/2021.g.;
	MINISTARSTVO ZA OBRAZOVANJE, NAUKU I MLADE KANTONA SARAJEVO	140.000,00	Učenici četvrtih razreda osnovnih škola sa područja KS; Školska 2020/2021.g.; Iznos sporazuma.:70.000,00 KM;
2022	OPĆINA ILIDŽA	22.000,00	Učenici četvrtih razreda osnovnih škola sa područja Općine Ilidža; Školska 2021/2022.g.;
	OPĆINA ILIJAŠ	3.804,00	Učenici četvrtih razreda osnovnih škola sa područja Općine Ilijaš; Školska 2021/2022.g.; 97 učenika;
	OPĆINA NOVO SARAJEVO	45.000,00	Učenici četvrtih razreda osnovnih škola sa područja Općine Novo Sarajevo 2022/2023.g.; Iznos ug.;45.000 KM
	OPĆINA NOVI GRAD	70.000,00	Učenici četvrtih razreda osnovnih škola sa područja Općine Novi Grad 2022/2023.g.; Iznos ug.;70.000 KM
	OPĆINA CENTAR	30.000,00	Učenici četvrtih razreda osnovnih škola sa područja Općine Centar 2022/2023.g.;

			Iznos sporazuma;30.000 KM
	OPĆINA HADŽIĆI	6.165,00	Učenici četvrtih razreda osnovnih škola sa područja Općine Hadžići; Školska 2021/2022.g.;
	Ministarstvo za obrazovanje, nauku i mlade KS	70.000,00	Učenici četvrtih razreda osnovnih škola sa područja KS; Školska 2022/2023.g.; Iznos sporazuma ;70.000 KM
2023	OPĆINA ILIDŽA	20.000,00	Učenici četvrtih razreda osnovnih škola sa područja Općine Ilidža Školska 2022/2023.g.; Iznos sporazuma 20.000 KM
	OPĆINA STARI GRAD	10.000,00	Učenici četvrtih razreda osnovnih škola sa područja Općine Stari Grad Školska 2022/2023.g.;Iznos sporazuma 10.000 KM
	OPĆINA NOVO SARAJEVO	45.000,00	Učenici četvrtih razreda osnovnih škola sa područja OpćineNovo Sarajevo; 2023.g.; Iznos sporazuma 45.000 KM
	OPŽINA NOVI GRAD	0,00	Učenici četvrtih razreda osnovnih škola sa područja Općine Novi Gradi; Školska 2023/2024.g.; Iznos sporazuma 70.000 KM
	OPĆINA CENTAR	30.000,00	Učenici četvrtih razreda osnovnih škola sa područja Općine Centar Školska 2023/2024.g.; Iznos sporazuma 30.000 KM
	OPĆINA HADŽIĆI	19.770,00	Učenici četvrtih razreda osnovnih škola sa područja Općine Hadžići; Školska 2022/2023.g.; Iznos sporazuma 19.770 KM
	Ministarstvo za obrazovanje, nauku i mlade KS	123.000,00	Učenici četvrtih razreda osnovnih škola sa područja KS; Školska 2023/2024.g.; Iznos sporazuma 123.000 KM
	<b>UKUPNO</b>	<b>2.055.789,00</b>	

Broj polaznika škole plivanja po školskim godinama:

1. Školska 15/16 – ukupno 3068 učenika;
2. Školska 16/17 – ukupno 3106 učenika;
3. Školska 17/18 – ukupno 2695 učenika;
4. Školska 18/19 – ukupno 3817 učenika;
5. Školska 19/20 – ukupno 2182 učenika;
6. Školska 20/21 – ukupno 2332 učenika;
7. Školska 21/22 – ukupno 3751 učenik;
8. Školska 22/23 – ukupno 3236 učenika (bez učenika iz Vogošće i Ilijaša);

### 3.2. Problematika PDV-a

Obzirom na značajnost rizika u poslovanju Preduzeća koju nosi problematika u vezi sa Upravom za indirektono oporezivanje, dajemo detaljan osvrt na vrlo složenu problematiku sa Upravom za indirektono

oporezivanje, koja od 2012. godine opterećuje likvidnost i ukupno poslovanje Preduzeća i koju smo prezentirali i u Izvještaju o radu i poslovanju Preduzeća za 2021. i 2022. godinu.

U suštini, problematika koju Preduzeće ima sa Upravom za indirektno oporezivanje, svodi se na dokazivanje i argumentiranje pozicija Uprave i Preduzeća u vezi sa oporezivanjem (ili neoporezivanjem) društveno korisnih projekata systemske škole plivanja koji se realizuju na Bazenu i koji se finansiraju namjenskim nepovratnim grant sredstvima iz budžeta Kantona Sarajevo, Grada i općina koje pripadaju Kantonu Sarajevo.

Pri tome, drugostepeni organ – direktor Uprave za indirektno oporezivanje, u dva navrata je (2013. i 2020. godine) prihvatio argumente iz naših žalbi i poništio rješenja prvostepenog organa – Regionalnog centra UIO Sarajevo, da bi, u konačnici, u decembru 2021. godine odbio našu žalbu, koja je bila zasnovana na istim činjenicama i argumentima kao u žalbama koje su u dva navrata prihvaćene od strane drugostepenog organa.

U nastavku dajemo istorijat i genezu:

### **1 KONTROLA – za period 01.01. – 31.12.2009. godine**

Zapisnikom br.04/05-2/IV-17-UP-48/09 od 19.01.2009. godine za period 01.01. 2009. - 31.12.2009.godine, sa kontrolom izlaznog i ulaznog PDV-a nije bilo neslaganja u prijavljenom samooporezivanju i utvrđenom kontrolom. Inspektori nisu utvrdili dodatnu obavezu za PDV.

### **2 KONTROLA – za period 01.01.2009. – 31.01.2012. godine**

U martu 2012. godine, od strane Uprave za indirektno oporezivanje - Regionalnog centra Sarajevo, izvršena je kontrola obračuna i uplate PDV JP Olimpijski bazen Otoka za period 01.01.2009. – 31.01.2012. godine i ispostavljen je Zapisnik od 22.03.2012. godine.

Zapisnikom je, pored ostalog, konstatovan oporeziv osnov i obračunat naknadno utvrđen porez po osnovu sporazuma sa Ministarstvom za obrazovanje, nauku i mlade Kantona Sarajevo za realizaciju škole plivanja učenika četvrtih razreda osnovnih škola sa područja Kantona Sarajevo za 2010. i za 2011. godinu. Dakle, po istom društveno korisnom projektu koji realizujemo već dvanaest godina po istom modelu, kako u 2010. tako do danas. Utvrđivanje oporezivog osnova po pomenutim projektima argumentirano je sa sličnim navodima i mišljenjima koji su navedeni u svim zapisnicima do danas - 2012., 2018, 2020. i 2021. godine.

Osporili smo navode i obračun u zapisniku iz 2012. godine i poslali prigovor Regionalnom centru Sarajevo sa istim argumentima koji navodimo u svim prigovorima i žalbama od 2012. do 2022. godine.

Regionalni centar je odbacio naš prigovor i dostavio nam rješenje o razrezu poreza po predmetnom osnovu.

Žalili smo se na rješenje Regionalnom centru Sarajevo (prvostepenom organu). Žalba se odbija od strane prvostepenog organa.

Žalili smo se drugostepenom organu - direktoru Uprave za indirektno-neizravno oporezivanje u Banja Luci.

**Drugostepeni organ u potpunosti uvažava našu žalbu** i donosi Rješenje broj 01/4-UP/II-731/12 od 15.01.2013. godine kojim se poništava rješenje Regionalnog centra Sarajevo i predmet se vraća prvostepenom organu na ponovni postupak.

Iz rješenje drugostepenog organa citiramo sljedeće:

*„Navedene činjenice je prvostepeni organ konstatovao ali nije doveo u vezu sa ostalim činjenicama koje su odlučne za pravilno rješavanje u predmetnom postupku, odnosno, sa činjenicom da se radi o projektima od opštedruštvenog interesa u cilju poboljšanja zdravstvenog stanja djece, obuke neplivača, za šta je*

neophodna posebna edukacija i terapija koja je i bila predmet navedenih sporazuma i ugovora, iz kojeg razloga se realizacija pomenutih projekata ne može smatrati uslugom izvršenom uplatiocu sredstava. ...

Po ocjeni ovog organa, prvostepeni organ je iz utvrđenog činjeničnog stanja izveo pogrešan zaključak da su uplaćena sredstva naknada za izvršene usluge uplatiocima sredstava, na šta žalitelj opravdano ukazuje žalbom, zbog čega je pobijano rješenje, kao i rješenje o razrezu PDV obaveze, valjalo poništiti i predmet vratiti na ponovni postupak.“

U ponovnom postupku prvostepeni organ je ponovo izvršio kontrolu i dostavio Zapisnik od 11.03.2013. godine i novo Rješenje broj 04/5-2/IV-17-UP-373-II-3/12 od 19.03.2013. godine, kojim se poništava prethodno rješenje ovog organa i konstatuje da Preduzeće nema dodatnih obaveza po osnovu PDV. Između ostalog, u tom rješenju se konstatuje:

**„Primanje novčanih sredstava u navedenom iznosu bez obaveze primaoca novčanih sredstava, u ovom slučaju JP Olimpijski bazen Otoka d.o.o. Sarajevo, da izvrši protivčinidbu (promet dobara i usluga) davaocu novčanih sredstava tj. Ministarstva obrazovanja i nauke i Ministarstva zdravstva Kantona Sarajevo, ne smatra se prometom dobara i usluga u smislu člana 3. Zakona.“**

Ovaj stav Regionalnog centra Sarajevo, uz mišljenje, argumente i stav drugostepenog organa, smo shvatili kao instrukciju, uputstvo, normativni akt za dalje postupanje kada su u pitanju društveno korisni neprofitni projekti koji se realizuju u našem objektu Olimpijskog bazena, a posebno projekti edukacije učenika neplivača osnovnih škola u Kantonu Sarajevo. Smatrali smo i ranije, a nakon ovih stavova najkompetentnije institucije u oblasti indirektnog oporezivanja, učvrstili smo naš stav da sredstva dobijena po osnovu ovih projekata nisu oporeziva i tako smo se ponašali u zadnjih deset godina, odnosno nakon rješenja i drugostepenog i prvostepenog organa.

Potpuno je jasno da nakon ovakvog stava i drugostepenog i (naknadnog stava) prvostepenog organa nismo u narednom periodu ni mogli ni smjeli postupati na drugačiji način jer bi, po dobijenom mišljenju i drugostepenog i prvostepenog organa UIO, mi kršili zakon ako ne primjenjujemo stav i mišljenje UIO.

### **3 KONTROLA – za period 01.01.2013. – 30.04.2016. godine**

Zapisnikom o informativnoj kontroli RC Sarajevo br: 04/5-2/II-17-UP-1277-1/16 od 20.07.2016. godine za period 01.01.2013-30.04.2016. godine, inspektori su, vodeći se instrukcijama iz rješenja drugostepenog organa i rješenja prvostepenog organa u ponovljenoj kontroli, utvrdili da nema dodatnog zaduženja za navedeni period.

### **4 KONTROLA - za period 01.10.2013. – 30.09.2018.godine**

U decembru 2018. godine inspektori Regionalnog centra Sarajevo Uprave za inidirektno oporezivanje vrše novi inspeksijski nadzor za period 2013. – 2018. godina, ignorišući da je za period 2013. – 2016. već izvršena kontrola po kojoj nije bila utvrđena dodatna obaveza za PDV.

Rješenjem UIO utvrđen nam je dodatno obračunati izlazni PDV u visini od 130.155 KM te sa kamatama i ostalim naknadama u ukupnoj visini od **184.941,30 KM** za realizovane projekte škole plivanja u periodu od 2013. do 2018. godine.

Obzirom da nam je i 2013. godine utvrđen naknadni izlazni PDV po istom osnovu (projekti finansirani iz budžeta općina i ministarstava KS), te da nam je tada usvojena žalba na drugostepenom organu (direktor Uprave za inidirektno oporezivanje) i da su nam vraćena sredstva i data nedvosmislena instrukcija u rješenju UIO da su predmetni projekti neoporezivi, u februaru 2019. godine uputili smo žalbu Regionalnom centru Sarajevo, koja je odbijena, pa smo ponovo uputili žalbu direktoru Uprave za indirektno oporezivanje na naknadno utvrđeni PDV u visini od cca 130.155 KM.

Na ovu žalbu smo dobili odgovor tek nakon 15 mjeseci u maju 2020. godine i drugostepenim rješenjem naša žalba je uvažena i poništena su rješenja prvostepenog organa te vraćen predmet na ponovni postupak.

Prvostepeni organ – Regionalni centar UIO Sarajevo, ne uvažavajući naloge i pravno mišljenje drugostepenog organa, ponovo dostavlja (prepisuje) rješenje u istoj visini od cca 130.155 KM neizmirenih poreza kao i kod već poništenog rješenja i time problematiku ponovo vraća na polazne pozicije.

Preduzeće je ponovo uložilo žalbu prvostepenom organu koja je odbijena a potom u septembru 2020. godine i direktoru UIO kao drugostepenom organu.

Obzirom da je prvostepeni organ doslovno prepisao rješenje koje je poništeno u maju 2020. godine sa istom argumentacijom kao u poništenom rješenju očekivali smo identično pravno mišljenje i stav drugostepenog organa po kojem se prihvata naša žalba i poništavaju rješenja prvostepenog organa te da nam se na račun vrate naplaćena sredstva od strane UIO.

Znajući da po zakonskim odredbama žalba ne odlaže izvršenje po Rješenju i kako bi izbjegli blokiranje računa i eventualne dodatne zatezne kamate u periodu rješavanja ovog predmeta, u dogovoru sa Osnivačem – Gradskom upravom, dobili smo početkom 2019. godine unaprijed dvije tranše iz Budžeta Grada u visini od ukupno 250.000 KM iz kojih smo izmirili iznos utvrđen Rješenjem UIO zajedno sa kamatama i naknadama u visini od cca 184.941 KM. Početkom 2020. godine, obzirom da UIO nije reagovala u zakonskom roku i nije do tog momenta donijela drugostepeno rješenje, ponovo smo od Osnivača dobili dvije mjesečne budžetske tranše unaprijed kako bi stabilizirali poremećenu likvidnost Preduzeća.

Direktor UIO, kao drugostepeni organ, u maju 2020. godine svojim rješenjem uvažava našu žalbu i poništava ranije donešena prvostepena rješenja. Očekivali smo da se ova sredstva u visini od cca 184.000 KM (plus zatezne kamate koje ćemo obračunati za angažovana sredstava) vrate na račun Preduzeća i da će biti stavljena u operativnu upotrebu. U međuvremenu, uspjeli smo kroz tekuće poslovanje da kompenziramo sredstva tranši koja smo iskoristili za izmirenje obaveza po rješenju UIO i da, bez vraćanja sredstava iz UIO, izbalansiramo likvidnost Preduzeća do sredine 2021. godine.

U novembru i decembru 2021. godine Regionalni centar UIO Sarajevo pokreće novi inspekcijski nadzor za period 2019. – 2021. godina koji je prekinut, obzirom da do tog momenta nije donešeno rješenje drugostepenog organa po našoj žalbi iz septembra 2020. godine.

U decembru 2021. godine (nakon 15 mjeseci) konačno dolazi rješenje drugostepenog organa (direktora UIO) kojim se, ovaj put, odbija naša žalba kao neosnovana iako je i naša argumentacija u žalbi i argumentacija u rješenju prvostepenog organa identična sa argumentacijom iz 2019. i 2020. godine, kada je drugostepeni organ uvažio našu žalbu i iako je prvostepeni organ doslovno prepisao zapisnik i rješenje koji su 2020. godine bili pobijeni od strane drugostepenog organa.

Kao što smo u više navrata navodili u prigovorima i žalbama na zapisnike i rješenja Regionalnog centra UIO Sarajevo iz ranijih perioda i kao što je rješenjima drugostepenog organa u dva navrata (2013. i 2020. godine) potvrđeno kao opravdan prigovor i žalba, i dalje ostajemo na stanovištu da ne prihvatamo nalaz kontrole u vezi sa naknadno obračunatim izlaznim PDV po osnovu primljenih bespovratnih novčanih sredstava iz budžeta za realizaciju neprofitnih projekata od opšteg društvenog interesa, za koje je prvostepenim i drugostepenim rješenjima Uprave za indirektno oporezivanje iz 2013. godine utvrđeno da nisu oporeziva, odnosno da se finansiranje bespovratnim budžetskim sredstvima predmetnih projekata od opšteg društvenog interesa ne smatra prometom dobara i usluga. **Tražili smo i dobili potvrde od općina - davaoca finansijskih sredstava za realizaciju ovih projekata kojima je nesumnjivo potvrđeno da realizator projekta (Olimpijski bazen Otoka) nema nikakvu obavezu pružanja usluga davaocu sredstava i da su sredstva namjenjena isključivo za finansiranje troškova realizacije projekta.**

**Doznačena nepovratna grant sredstva realizatoru neprofitnog projekta nisu naknada za plaćanje nabavljenih usluga niti je ikada pokrenut tenderski postupak za nabavku takvih usluga.**

Kako se na rješenje drugostepenog organa ne može izjaviti žalba, odlučili smo da pokrenemo upravni spor pa smo u februaru 2022. godine preko advokatske kuće kod nadležnog suda – Sud BiH pokrenuli tužbu protiv Uprave za indirektno oporezivanje Bosne i Hercegovine.

Nakon skoro dvije godine, u decembru 2023. godine, dobijamo presudu Suda BiH kojom se odbacuje naša tužba i uvažava argument Uprave za indirektno oporezivanje da realizacija projekata škole plivanja predstavlja protivčinidbu u vidu „usluga“, koje je Preduzeće vršilo davaocima sredstava i kao takve su oporezive.

Sud u obrazloženju presude prihvata argument UIO da se radi o uslugama koje je vršilo Preduzeće u okviru svoje registrovane djelatnosti te da se radi o prometu koji je oporeziv. Sve ostale činjenice iz naše tužbe i sve argumente koje smo naveli, sud proglašava irelevantnim kod donošenja presude. Pri tome, smatra nebitnim i apsolutno se ne izjašnjava o citiranim činjenicama iz rješenja drugostepenog organa – direktora UIO iz 2013. godine kojima se nedvosmisleno naglašava „*da se realizacija pomenutih projekata ne može smatrati uslugom izvršenom uplatiocu sredstava*“ i da „*prvostepeni organ je iz utvrđenog činjeničnog stanja izveo pogrešan zaključak da su uplaćena sredstva naknada za izvršene usluge uplatiocima sredstava, na šta žalitelj opravdano ukazuje žalbom*“.

U vezi sa ovakvom presudom i argumentacijom koja je navedena u obrazloženju, uprava preduzeća je, u konsultaciji sa advokatima i organima Preduzeća odlučila da pokrene vanredne pravne lijekove u vezi sa dobijenom Presudom Suda BiH, što bi se trebalo realizovati sredinom januara 2024. godine.

#### **5 KONTROLA - za period 2019. – 2020.godina**

Nakon donošenja rješenja drugostepenog organa u decembru 2021. godine, Regionalni centar UIO Sarajevo ponovo pokreće inspeksijski nadzor za period 2019. – 2021. godina, koji je bio prekinut u decembru 2021. godine.

Ponovo, sa istom argumentacijom i potpuno ignorišući naše argumente i stavove i pravno mišljenje iz prethodnih rješenja direktora UIO (2013. i 2020. godine), kao drugostepenog organa, RC UIO Sarajevo donosi novo rješenje u januaru 2022. godine, br: 04/5-2/II-17-1-UP-I-1823-2/21 od 19.01.2022. godine, kojim nas zadužuje za naknadno obračunati PDV za period 2019. – 2021. godina u visini od 89.741 KM, a sve po osnovu realizacije društveno korisnih projekata škole plivanja učenika četvrtih razreda osnovnih škola u Kantonu Sarajevo, koji su finansirani isključivo iz namjenskih i nepovratnih budžetskih sredstava Kantona Sarajevo i općina koje pripadaju Kantonu Sarajevo.

Na novo rješenje izjavili smo u februaru 2022. godine žalbu prvostepenom organu i ista je odbijena kao neosnovana Rješenjem RC UIO Sarajevo br: 04/5-2/II-17-1-UP-I-1823-5/21 od 08.03.2022. godine, nakon čega smo u januaru 2022. godine uputili žalbu drugostepenom organu (direktoru UIO u Banja Luci).

U međuvremenu su nam, obzirom da žalba ne odlaže izvršenje po rješenju, nalogom UIO skinuta sredstva sa računa na BBI banci u visini od 104.300 KM te zadržala povrat PDV-a za tri mjeseca u odnosu 10.917,00 KM., što ukupno iznosi **115.217,00 KM.**

Drugostepeni organ (Direktor UIO Banja Luka), ne uvažavajući naše argumente i navode koje je u svojim rješenjima iz 2013. i 2020. godine u potpunosti prihvatao i vrlo eksplicitno kao argument naznačio u svojim rješenjima kojima je pobijao rješenja prvostepenog organa (RC Sarajevo), svojim je rješenjem odbio našu žalbu pa smo u maju prošle godine i po ovom rješenju pokrenuli upravni spor kod Suda BiH. Do pisanja ovog dokumenta Sud BiH se nije oglasio u vezi sa ovim pokrenutim upravnim sporom.

Ukupna sredstva koja potražujemo od strane Uprave za indirektno oporezivanje i po kojima smo pokrenuli upravne sporove na Sudu BiH iznose **300.158,30 KM**, plus zatezne kamate koje bi obračunali po povratu sredstava.

Obzirom da se ova sredstva vode kao potraživanja iznad godinu dana u našim poslovnim knjigama, namjeravamo da po okončanju ove poslovne godine ista u dijelu koji se odnosi na period po dobijenoj Presudi Suda BiH knjižimo na teret rashoda (185.000 KM), a ukoliko u narednom periodu dobijemo upravne sporove, povrat tih sredstava bi knjižili na vanredne prihode u narednoj ili narednim godinama.

Zahvaljujući poslovnom rezultatu u 2023. godini, u potpunosti smo anulirali knjigovodstvene i poslovne posljedice za pomenutih 185.000 KM, a posljedice po likvidnost Preduzeća smo amortizovali još u 2021. i 2022. godini.

**Ukoliko ne dobijemo upravne sporove sa UIO, bićemo prinuđeni da i preostala potraživanja od UIO u visini od 115.000 KM knjižimo na teret rashoda u narednom periodu. Osim toga, potencijalno se pojavljuju dodatna dva problema u narednom planskom periodu: problem oporezivanja budućih sredstava za finansiranje društveno korisnih projekata i na taj način umanjeње budućeg ukupnog prihoda i problem naknadno utvrđenog PDV-a za period od posljednje kontrole do danas (od septembra 2021. do decembra 2023. godine). Sumarno, nabrojani potencijani poslovni događaji iznose cca 330.000 KM i mogli bi predstavljati veliki balast u poslovanju Preduzeća u narednom planskom trogodišnjem periodu.**

### **3.3. Novi bazeni**

Uspjesi Lane Pudar na međunarodnom planu i ekspanzija plivačkih sportova stvorila je potrebu izgradnje „olimpijskih“ bazena. Izgradnja mostarskog već mjesecima zauzima javni prostor. Niko ne otvara ozbiljnu i argumentiranu priču, polemike i rasprave o načinu funkcionisanja i finansiranja ovih objekata nakon izgradnje.

Elaborat Ekonomskog instituta Sarajevo iz 2006. godine jasno podcrtava činjenicu da „su bazeni ovakve vrste (sportsko-rekreativni), čak i u najrazvijenijim zemljama **subvencionisani od društvene zajednice** (grad, opština, regija – kanton i sl.)“.

Podaci kojima se raspolaže o načinu finansiranja i upravljanja ovakvim objektima u našem okruženju, također potvrđuju ovakvu praksu: ili potpunog finansiranja ili sufinansiranja do 70% ukupno potrebnih sredstava.

### **3.4. Uvažavanje činjenice izgradnje novih bazena**

Kakva je trenutna situacija u Sarajevu po pitanju postojanja i funkcionisanja bazena?! Navest ćemo samo primjere onih „javnih“ i nedavno otvorenih, a one druge – hotelske, termalne i sl. nisu predmet analize.

1. U Vogošći u okviru VOG-a napravljen je mali bazen kojeg je investitor urbanističkom dozvolom morao sagraditi jer je na mjestu zgrade prije rata postojao otvoreni bazen. Bazen je sastavni dio kompletne zgrade VOG-a, što otežava njegovo zasebno funkcionisanje (nisu odvojene instalacije). Bazen je vrlo kratko radio i godinama bio van upotrebe. Prije tri godine iznajmljen je vogošćanskom KSC-u. U njemu se organizira škola plivanja za određen broj djece i područnih škola, jer se jedna škola nalazi 15-tak metara, a druga 300 metara od bazena. Naš funkcionalan prijedlog jeste da Olimpijski bazen treba biti lider u organizaciji a mi sami da se dogovorimo o njeftinijim, najefikasnijim i najkvalitetnijim modelima organizacije Škole plivanja.
2. Bazen FASTO treba tek da bude otvoren. Elaborat navodi da za njegovo funkcionisanje treba Osnivač da izdvoji preko 900.000,00 KM. Elaborat je rađen neposredno pred agresiju na Ukrajinu



nakon koje su cijene energenata drastično skočile. Njegovo funkcionisanje će biti konkurencija bazenU Otoka. Personalni odnosi uprava FASTA i bazena Otoka su izvanredni. Tragamo za najboljim rješenjima, razmjenjujemo iskustva, otvoreno razmjenjujemo podatke, informacije, pokušavamo da naprijed idemo zajedno...

3. Općina Novi Grad nedavno je otvorila vanjski/otvoreni bazen?! Sarajevo manje-više ima 60-tak sunčanih dana u godini?! Bazena naravno treba. I otvorenih i zatvorenih. Međutim, pitanje je ko će to plaćati i šta je istinska korist.

### **3.5. Problemi u realizaciji Škole plivanja**

Glavni pravni osnov za realizaciju Škole plivanja je Pravilnik organizaciji i realizaciji specifičnih oblika nastave iz predmeta tjelesni i zdravstveni odgoj u osnovnoj školi (Sl. novine KS br. 53; 27 decembar 2018.). Pravilnik podrazumijeva operativne i izvedbene planove koji nisu doneseni, a koji bi trebali definirati načela, ciljeve, zadatke (uključujući način finansiranja). Principi, kriteriji, uslovi za realizaciju projekta, mjesta obuke i način finansiranja učesnika projekta nikada nisu precizirani, niti sistemski riješeni.

Projekat se odvija isključivo u toku školske godine.

Neizvjesnost i neblagovremenost obezbjeđenja sredstava iz općina i Ministarstva znatno usložnjava kvalitet realizacije projekta. Najčešće sporazumi se potpisuju tek nakon početka školske godine ili čak pred kraj godine.

Ne postoje kriteriji finansijske participacije općina i Ministarstva u finansiranju projekta, nego se iznos izdvojenih sredstava za ovu namjenu određuje uvijek iznova - iz godine u godinu, ili ovisi o volji ili sposobnosti da prepoznaju značaj i važnost škole plivanja načelnika, ministara ili općinskih vijeća.

Pravilnikom i realizaciji specifičnih oblika nastave iz predmeta tjelesni i zdravstveni odgoj u osnovnoj školi jasno je predviđeno da svi učenici IV razreda pohađaju Školu plivanja. Ova obaveza je za sve učenike IV razreda i kao takva u direktnoj je nadležnosti Ministarstva za obrazovanje KS.

Pravilnik jasno ne predviđa realan način, kriterije i sistem finansiranja i ne pojašnjava uključenje u Projekat djece s poteškoćama.

## **4. PROJEKAT REHABILITACIJE ZA PRIPADNIKE BORAČKE POPULACIJE**

U našem budućem radu želimo i poduzimamo korake na razvoju i pokretanju novih projekata. Jedan od njih je Projekat rehabilitacije i rekreacije za pripadnike boračkih udruženja.

Pokrenut je eksperimentalno prije tri godine za područje Općine Novi Grad Sarajevo. Projekat obuhvata 300 korisnika uz finansijska izdvajanja 30.000 KM.

Plan je obuhvatiti sve općine Kantona Sarajevo i realizirati ga uz finansijsku pomoć Ministarstva za boračka pitanja i boračka udruženja.

Od prošle godine, u suradnji sa Ministarstvom za boračka pitanja, Gradom i Općinom Novo Sarajevo pokrenuli smo projekat i za cijeli Kanton Sarajevo. Projekat podrazumijeva 600 korisnika, a vrijednost projekta je 77.000 KM.

## **5. PROJEKTI ZA DJECU S POTEŠKOĆAMA**

U Kantonu Sarajevo je pet ustanova čiji osnivač je Kanton i koje rade sa djecom s poteškoćama. Ukupan broj ove djece je oko 500. Namjera nam je kreacija projekta koji podrazumijeva aktivnosti koje su usmjerene

na vježbanje u vodi i obuka plivanja za ovu kategoriju djece. Cilj je omogućiti boravak svakog djeteta i njegova pratioca barem jednom sedmično u prostorima Bazena gdje bi uz pomoć stručno educiranih osoba upražnjavali rekreativne i rehabilitacijske aktivnosti.

Za realizaciju projekta potrebno je obezbjediti finansijska sredstva, prostorne mogućnosti, rekvizite i educirati stručno osoblje.

U predstojećem periodu nužno je sistemski osigurati finansiranje cjelogodišnjeg programa plivanja i vježbanja u vodi za osobe sa teškoćama u razvoju (kao i za osobe u njihovoj pratnji).

Krajem prošle godine eksperimentalno smo krenuli s projektom uz pomoć Općine Novo Sarajevo (10.000 KM).

Uz pomoć Grada Sarajeva pokrenut je proces nabavke specijalnog, potpuno električnog kombi vozila koje će biti prilagođeno za korištenje djece iz navedene kategorije. Novac je osiguran iz međunarodnih fondova. U toku su procedure nabavke vozila čija vrijednost premašuje 100.000 KM. Iz istih izvora finansiranja osigurana je izgradnja dvostruke električne punionice koja će služiti za punjenje navedenog vozila. Punjači su već instalirani na parking u kojim upravlja olimpijski baze kao i prateći sadržaji. Vrijednost ove investicije je preko 70.000 KM.

## 6. PROJEKAT „AKTIVNO I ZDRAVO STARENJE – PLIVANJE ZA OSOBE TREĆE ŽIVOTNE DOBI“

Predmet projekta je unaprijeđenje zdravlja građana Sarajeva starije dobi putem stručno vođenih vježbi u vodi i rekreacije.

Projekat se u kontinuitetu realizuje na Olimpijskom bazenu Otoka od 2009. godine kao sastavni dio projekta „Sarajevo – zdrav grad“ koji je započeo sa realizacijom od strane Gradskog vijeća i Gradske uprave odlukom Upravnog odbora i Savjetodavnog komiteteta Mreže zdravih gradova Svjetske zdravstvene organizacije od 10. oktobra 2007. godine kad je Grad Sarajevo imenovan punopravnim članom u IV fazi Evropske mreže zdravih gradova SZO. Sarajevo je, u tom periodu, sa izuzetkom Zagreba i Rijeke, bio jedini grad iz regiona jugoistočne Evrope, koji je kao punopravni član uključen u ovu asocijaciju.

Projekat za unaprijeđenje zdravlja građana Sarajeva starije životne dobi obuhvata zainteresirane građane i građanke nastanjene na području općina Stari Grad, Centar, Novo Sarajevo i Novi Grad kod kojih je pregledom od strane ljekara utvrđeno da nema zdravstvenih kontraindikacija za rekreativno plivanje, vježbanje u vodi, pilates i plesni aerobik.

U 2023. godini u ovom projektu participiralo je 740 lica treće životne dobi.

## 7. NAČIN FINANSIRANJA

Samo održavanje i eksploatacija olimpijskih bazena veoma je zahtjevna i skupa. Svjetski normativ, neovisno o društvenom uređenju neke zemlje, njenom standardu, klimatskoj pozicioniranosti i načinu upotrebe, je da su ovi objekti samostalno finansijski **NEODRŽIVI** i da sami (bez pomoći osnivača) mogu obezbijediti maksimalno **do 40%** potrebnih sredstava za njihovo funkcionisanje.

Bazen Otoka i mimo ovih standarda ima dodatne otežavajuće okolnosti za sticanje prihoda: olimpijski bazeni se prave što niži kako bi se uštedilo na zagrijavanju, naš je u centralnoj tački visok 24 metra; veći dio bazena građen je od stakla i lima što su loši izolacijski materijali u situaciji kada je unutarnja temperatura konstantno 30-32 stepena a vanjska u Sarajevu često dostiže i do -20 stepeni C.

**Elaborat Ekonomskog instituta iz 2006. godine (prije izgradnje bazena) potvrđuje ovu činjenicu i skreće pažnju na obavezu Osnivača u obezbjeđenju sredstava za normalno funkcionisanje.**

**Olimpijski bazen Otoka d.o.o. Sarajevo ostvaraje prihode occ 40% iz sopstvenih izvora što je svjetski standard.**

Također, u mjesecu februaru 2022. godine Ekonomski institut iz Sarajeva sačinio je Elaborat o upravljanju i finansiranju još uvijek neotvorenog bazena FASTO koji se nalazi u sastavu Fakulteta sporta, koristeći i komparirajući podatke, najvećim dijelom, s Olimpijskim bazenom, ustvrdio da je

za njegovo funkcionisanje potrebno occ 970.000 KM godišnje i da je omjer Bazena FASTO i Olimpijskog bazena Otoka u pogledu finansiranja 1:2,7.

Udio našeg Osnivača – Grada Sarajeva u našem finansiranju je, kao što vam je poznato, 1,75 mil KM, a po gornjoj proporciji trebao bi biti najmanje 2,70 miliona KM.

Uz to, bitno je napomenuti i dvije činjenice:

- c. Pomenuti Elaborat sačinjen je prije rata u Ukrajini i porasta cijena energenata koji znatno poskupljuju funkcionisanje ovih objekata;
- d. Bazen FASTO je u sastavu Fakulteta sporta tako da znatno smanjuje rashode zbog racionalnijeg načina organizacije, manje administracije itd.

## 8. PRIJEDLOG MJERA ZA SISTEMSKU REALIZACIJU ŠKOLE PLIVANJA

- U saradnji sa Gradom Sarajevom, općinama i Ministarstvom za odgoj i obrazovanje Kantona Sarajevo osigurati zagarantovan budžet za realizaciju Škole plivanja u kompleksu Bazena za sve učenike IV razreda u KS;
- Nabaviti dodatnu opremu za realizaciju programa;
- Educirati osoblje za realizaciju programa;
- Nabaviti autobus za prevoz učenika i platformu za dobijanje dodatnog prostora u Velikom bazenu za realizaciju projekata;
- Pokrenuti izradu zakonskih i podzakonskih akata kojima bi se utvrdile i precizirale nadležnosti, programski i metodološki detalji projekata, kao i način finansiranja;
- Riješiti problematiku PDV jer Uprava za indirektno oporezivanje (UIO) sve naše pobrojane projekte od općedruštvenog interesa tretira kao uslugu i kažnjava nas obračunom PDV-a. Različit stav Bazena i UIO je u fazi sudskog spora „teškog“, po zapisnicima UIO, preko (trenutno) 300.000,00 KM.

## 9. FINANSIJSKI POLOŽAJ

Zbog enormnog rasta cijena energenata, općeg rasta cijena roba i usluga, kao i nepovoljnog materijalnog statusa uposlenika susrećemo se sa nizom poteškoća i nepoznanica koje vrlo ozbiljno uslovljavaju poslovanje Preduzeća i značajno uvećavaju potencijalni rizik u procesu realizacije strateških ciljeva radi kojih je Olimpijski bazen izgrađen i osnovano Preduzeća, a to su razvoj vodenih sportova, edukacija neplivača i rekreacija stanovnika Grada Sarajeva.

Zbog energetske krize, nestašica i rast cijena energenata prouzrokuju vrlo ozbiljne poteškoće u funkcionisanju. Napominjemo da je grijanje objekta i vode u Olimpijskom bazenu Otoka projektovano isključivo sa opremom koja radi na prirodni gas i tečno gorivo kao alternativu, a za oba ta energenta vrlo je neizvjesna i isporuka i cijena u narednom periodu. Vrlo realno je očekivati i već je najavljen značajan rast njihovih cijena, tako da smo morali planirati veća sredstva za izmirenje tih rashoda.

Opći rast nivoa cijena, projektovan do kraja godine od strane Centralne banke, dostigao je stopu inflacije od 8% u odnosu za isti period prošle godine, što je iniciralo dodatni rast cijena i materijalnih troškova i proizvodnih i neproizvodnih usluga u odnosu na već ionako visoke cijene prouzrokovane kumulativnom stopom inflacije od 2021.godine do danas u visini od preko 30%. Neizvjesno je koji nivo će cijene energenata dostići u 2024.godini. Visina svih materijalnih troškova, proizvodnih i neproizvodnih usluga prate rast stope inflacije i moraju se korigovati u planskim dokumentima.

Standard uposlenika, zbog općeg porasta cijena i posebno porasta cijena hrane i kućnih potrepština, vrlo ozbiljno je ugrožen. Osnovica za platu nije se mijenjala zadnjih deset godina do jula ove godine, kada je uvećana za 11%. I nakon tog uvećanja, sadašnje realne plate zaposlenika

su obezvrijeđene za 40% u odnosu na njihove realne plate u 2012. godini, tako da smo prinuđeni planirati izvjesno povećanje osnovice za platu kako bi zaustavili degradaciju životnog standarda uposlenika Preduzeća. Naravno, ne mislimo na povećanje za 40% jer takav rast rashoda ne možemo pratiti prihodima.

Cijene usluga Preduzeća nikada nisu kalkulisane na ekonomskim inputima već su prilagođene javnom interesu sportista, građana, djece, učenika, studenata, penzionera,,, tako da bi njihovo eventualno povećanje na bazi ekonomskih inputa vjerovatno izazvalo niz nepovoljnih akcija usmjerenih i na Bazen i na Grad Sarajevo. Kontinuirano pokušavamo da sa nadležnim ministarstvom i sa općinama dogovorimo korekciju visine troškova realizacije projekata škole plivanja kako bi amortizovali povećane troškove njihove realizacije, međutim, taj proces je vrlo neizvjestan i ne možemo sa sigurnošću znati kako će u konačnici završiti.

Bez obzira na naprijed navedene nepoznanice u vezi sa inputima kod projektovanja poslovanja Preduzeća, i dalje smo apsolutno sigurni da nivo kvalitete realizacije projekata i usluga neće, ni u kakvom scenariju, doći u pitanje.

## 10. ZAKLJUČCI I PRIJEDLOZI

Od početka rada Olimpijskog bazena Otoka d.o.o. Sarajevo naši prihodi i rashodi imali su ujednačenu konstantu koja se kretala occ 2,5 miliona KM na godišnjem nivou. Također, programske aktivnosti su bile predvidive, uobičajene i bez znatnijih odstupanja.

Drastičan poremećaj izazvao je period Corone koji je znatno narušio poslovnu dinamiku i izazvao niz problema u funkcionisanju Bazena. Rat u Ukrajini izazvao je pravi potres i finansijska opterećenja koja teško možemo amortizirati bez pomoći i razumijevanja Osnivača i šire društvene zajednice.

Naime, naši režijski troškovi kreću se već godinama oko 700.000 KM. Procjenjujemo da će ove godine oni dostići iznos od 1,1 milion KM. To je vrlo dramatična poslovna situacija koju sami ne možemo prevladati.

Primarni cilj društva, a posebno nadležnog Ministarstva i našeg Osnivača – Grada Sarajeva, u narednom periodu, po našem mišljenju, treba da bude:

1. Sistemski organizacija Škole plivanja koja bi bila obevezna u okviru školskog sistema;
2. Kompletne troškove i finansiranje Škole plivanja treba da snosi Ministarstvo;
3. Općine kroz svoje budžete treba da omogućie druge dodatne sadržaje i projekte plivanja za učenike osnovnih škola shodno svojim prostornim mogućnostima i potrebama;
4. Olimpijski bazen Otoka treba da bude nosilac organizacije Škole plivanja u Kantonu Sarajevo u saradnji sa drugim ustanovama i preduzećima (FASTO, KSC Vogošća, Lokom i sl.).

PREDSJEDNIK SKUPŠTINE

Elvir Hadžiahmetović

